

上諭朕向在藩邸未請政事不識一人毫髮閱
歷聞見及受

皇考聖祖仁皇帝付託之重臨御寰區惟日孜孜勤
求治理以為敷政寧人之本然耳目不廣見聞
未周何以宣達下情洞悉庶務而訓導未切諮

雍正硃批諭旨



具摺奏事以廣諮諏其中確有可採者即見諸

雍正硃批諭旨

第五冊

北京圖書館出版社

第五冊提奏人名銜

趙坤，貴州提督，署理四川提督印務、湖廣提督，湖廣提督。

藍廷珍，福建臺灣總兵官，福建水師提督。

張耀祖，雲南鶴麗總兵官，雲南提督。

紀成斌，河南河北總兵官。

鄂爾泰，江南江蘇布政使，雲南巡撫管雲貴總督事，雲貴總督，雲貴廣西總督。

田文鏡，河南布政使，署理河南巡撫印務，河南巡撫。

第五冊目錄

硃批趙坤奏摺（雍正元年五月至四年九月）	一
硃批藍廷珍奏摺（雍正元年八月至七年九月）	一一
硃批張耀祖奏摺（雍正二年二月至九年正月）	二二
硃批紀成斌奏摺（雍正二年十一月至五年八月）	三三
硃批鄂爾泰奏摺（雍正元年十一月至九年九月）	四九
硃批田文鏡奏摺（雍正二年四月至三年十一月）	四八六

硃批趙坤奏摺

雍正元年五月二十一日貴州提督臣趙坤謹

奏為保奏人員以資臂指事竊查臣標前營以及畢

赤營平越營安南營四遊擊現在缺員例應聽候

部推但臣標前營及平越營地當孔道汛防廣闊

畢赤安南兩處又界連川粵逼近苗獠非熟諳情

形人地相宜之員莫克勝任臣看得平遠協右營

守備卜萬年臣標左營守備田玉大定鎮標中營

守備吳朝應安南營中軍守備許緯藩皆弓馬優

嫻歷辦營務請以下萬年拔補臣標前營遊擊以

田玉拔補平越營遊擊以吳朝應拔補畢赤營遊

擊以許緯藩拔補安南營遊擊則駕輕就熟實為

人地相宜緣係非保題之省分臣與督臣咨商未

敢會疏具

題謹繕摺保

奏倘蒙

皇上恩允則臣得收臂指之效於地方實有裨益矣為

此謹

奏

照依趙坤所請補授免其引見該部知道

同日又

奏為奏明事竊查貴州各營路有臣衙門節禮字識

養廉暨各營修理旗幟整補帳房等費之空糧除

自鎮遠府起至臣駐劄安順府大路一帶經臣親

行簡閱按冊挑補外其僻遠處所嚴檄營路各官

速行招募取具不許仍存空糧遵依冊結臣復差

員查驗共計招補過壯丁五百名臣恐邊徼兵制

上厘

聖懷所有募補空糧實額克伍緣由理合繕摺奏

聞謹

奏

為

爾為朕所信任之人其恤兵清餉竭力整理處朕除嘉

獎之外無可多諭勉之爾保題遊擊四員皆照依所請

允行已降旨該部矣

雍正二年八月二十六日貴州提督臣趙坤謹

奏為回奏事雍正二年八月初九日准撫臣毛文銓

密信內開欽奉

密旨可將此諭亦密通知趙坤或將伊調到省城傳旨

等因臣隨星馳赴省跪聆

聖旨訖又貴東道臣李日更抵任亦傳

皇上諭旨臣俱一一欽承跪聆之餘不勝感激愧懼無地伏思黔之狎家苗性既愚頑習非良善漢姦貪利或潛入唆挑則報復爲非狎苗之情形實難逃聖主之洞鑒臣抵任年餘未能將苗民刁頑之俗與督撫臣熟思審處驅除務盡奉職無狀罪實難追乃蒙

聖恩不加譴責著與撫臣毛文銓密商萬全而爲之臣雖至愚亦稍知策勵從此仰體

天心矢勤矢慎於邊徼要地務務除習弊勿姑息長惡倘有多事苗目教之不改即相度機宜宣示威武

硃批諭旨

八正

三

趙坤

懲一以警百或臣有識見不到之處必與撫臣咨謀商酌務期悉心籌畫以稍盡職守於萬一耳至於定番一帶山深箐密定廣協營額兵實屬不足分布今奉

諭旨應添兵與否容臣與新撫臣會商妥確再行具

奏所有臣欽奉

諭旨緣由理合繕摺謹

奏

覽奏已悉勉爲之安靜近於因循振作近於多事迹雖相類而其實不同無事時振作不得有事時安靜不得

要在審觀時勢相度機宜而爲之方能中其肯綮也若一味苟且彌縫置庶務廢弛而不問則爾等職任封疆之謂何然不熟思審處謀及始終而孟浪從事脫至有損國威則尤其不可者也全在爾等文武大員正已率屬勤慎自勵誠以馭下公以考績營伍既皆整飭有司又復廉明則兵民和輯根本固矣果能若此此等愚頑苗獠或以德化或以威服胡令不行曷禁不止耶可與撫臣同心協力治理地方務宜夙夜敬謹精勤勿懈以革除習弊置黔民於衽席之安方不負朕諄諄告誡企望之殷也勉之

硃批諭旨

八正

四

趙坤

雍正二年十二月十九日貴州提督臣趙坤謹

奏爲恭謝

天恩事竊臣齋摺家人捧回

硃批奏摺并

欽賜法瑯翎管孔雀翎全副到臣臣即恭設香案望

闕叩謝

天恩跪讀

硃批欽遵祇領訖又新任大定鎮臣丁士傑抵黔臣出

郊跪請

聖安鎮臣卽口傳

諭旨臣伏聆

天語威懼無地茲於十二月十六日爲平靜惡苗事件
奉

硃批到臣等臣與督臣高其倬撫臣毛文銓公同欽領
寵錫叩頭謝

恩訖伏思狎苗兇惡業我

皇上明燭萬里慮出機先預爲

指授方畧是以惡苗阿近阿卧等就縛擒其巢穴擒其
妻孥其餘黨衆革面向化又督撫臣仰體

天心宣示

朱批俞旨

八臣

臣

臣

威德是以各官兵感

恩思奮臨事爭先至於臣毫無報效之處濫膺逾分之

榮是

皇上之恩施愈厚微臣之圖報愈難惟有更加勉勵將

邊境應辦事宜與督撫臣同心計議協力奉行務

期殫竭犬馬愚忱以仰副

皇上諄諄告誡之至意爲此恭謝

天恩謹

奏

知道了但去歲四月八月兩次官兵不敢激變熟苗竟

隱蔽不奏朕甚爲寒心

雍正三年二月二十三日貴州提督臣趙坤謹

奏恭請

皇上聖安

朕安爾過於慎重似近柔懦不宜貴州之任調爾進京
另有用處

同日又

奏爲欽奉

上諭事雍正三年二月初十日准雲貴督臣高其倬轉
傳

硃批諭旨

八臣

六

趙坤

上諭到臣查黔省山高土瘠苗多民少地之所出不

敷所需凡官吏之俸工兵馬之餉乾皆仰給於他

省之協濟賦稅有限耗羨無幾員缺不一養廉未

均是誠不可不有以調劑之也我

皇上明無不照恩無不施

諭令以通省清查之項爲本省之公用此官民兩利可

以長久之而無弊者也其文員官莊耗羨應聽

督撫臣清查武職官莊臣現在嚴查不容隱占黔

之諸苗惟狎苗最爲不法而紅苗黑苗之強悍又

不亞於狎苗倚恃山箐出沒無常搶奪報復習俗

使然與其有事而剿撫孰若未事而籌畫

神謨廣運洞悉情形臣荷蒙

聖恩職在統率敢不恪恭遵奉嚴飭操練振勵委靡與督撫臣籌畫萬全相機圖謀以仰副

天心惟是定廣之兇苗阿近等恣肆搶奪協將陳元勳於雍正二年春間差委把總周正帶兵擒捕雖拏獲賊弟阿鈕阿由二人而首賊遁颺傷死兵丁三名八月內協將陳元勳又不預先請示自帶兵三百名假以遊巡為詞潛至西孟意欲暗擒阿近被阿近等知覺放弩拒敵傷死兵丁一十二名捉去

硃批諭旨

八函

七

查一申

一名旋亦放出把總周正副將陳元勳雖經吞參革職而兩次傷兵未曾具奏是臣之罪至臣等會同三路發兵中路遊擊郭世發楊振夜駐谷蘭鉗束不嚴以致兵丁失火延燒草房苗民驚疑上山放弩箭傷兵丁二名實未身死於拏獲兇苗阿近時又未將此事逐細明白具奏是臣之罪恭讀

諭旨愧懼無地伏念臣愚昧無知罪戾深積我

皇上特頒

聖諭誠飭教導

高厚之恩臣即捐糜頂踵亦何能仰報萬一所有欽奉

上諭緣由理合繕摺奏

聞伏乞

皇上敕部議處施行謹

奏

今到川省若仍似此優柔徇隱恐爾顏面難以保全也但亦不可生事貪功番夷情形岳鍾琪最所深悉諸凡詢伊照伊指示而行毋得舛悞

同日又

奏為奏

聞事雍正二年十二月二十一日據臣標中軍參將呈

硃批諭旨

八函

八

趙坤

報據山京汛防把總報稱安順府屬唐三寨民劉忠魁夷民李蜡到汛口稱於十二月十二日三更時分被賊燒燬房屋趕去牛隻燒死男女四命受傷三名卑弁隨即跟踪追至廣順州屬宗角龍井寨地方等情前來臣查宗角龍井一帶山深箐密易於藏姦隨經咨移督撫臣會飭拏究去後旋經撫臣差委安順府知府何經文前往查拏臣以知府衙役無幾難以拏獲隨委臣標守備鄧元度帶弁兵二百四十員各協同前去跟緝兇犯茲於雍正三年正月二十三、四、七、九等日拏獲賊犯李

麻阿棍阿賣阿任二月初八日追獲賊牛一隻等情具報前來尚有未獲逸賊現在緝拏俟獲日聽候撫臣審題外所有微臣遣發官兵協同拏賊情由理合奏

聞謹

奏

凡事悉如此據實直陳方是若互相欺隱指黑爲白是非莫辨成何局面耶

雍正三年十月初七日署理四川提督印務湖廣提督臣趙坤謹

奏此諭旨

八月

九

趙坤

奏爲奏明事竊臣奉

旨署理四川提督印務抵任之始據署理提標中軍叅將楊玉先呈開卷查前任中軍叅將阮揚璟欠造各項軍裝借墊銀并解送西南兩路軍裝餉銀雇騾腳價盤費等項銀共九千三百五十四兩零本年六月內前任叅將阮揚璟備敘通詳請示經督臣岳鍾琪批令在於各標各鎮協營公費糧內認還自本年冬季起至明年夏季止作三季於公費糧內分攤清楚等情查此公費糧自提標以及各鎮協營共計一千一十分原爲各鎮協營一切公

用之費自軍興以來凡軍務公用亦皆以此資貼但臣思川省制兵三萬六百二十名內除打箭爐口外裏塘巴塘等處駐兵三千一百六十餘名留駐西寧兵三百俱尚未撤歸現在革達地方又需兵一千五百名輪流駐防再有各員弁所食親丁之糧營汛未免單薄若將此一千一十分概行招補則經督臣批示原係因公使用恐欠項無著若不招補則營汛防守事屬緊要臣再四思維請將此所存公費糧各招補一半以供差操仍留一半俾各標鎮協營漸次完欠亦可漸次添補軍裝似於營伍公務兩有所益矣伏乞

聖恩教導批示遵行謹

奏

前事經岳鍾琪面奏朕已洞悉況周瑛旋任在卽爾暫時署理可以不必料理此事俟其復任後將所奏知會於伊可也

同日又

奏爲奏

聞事竊臣接印視事卷查建昌鎮屬之冕山營賊夷劫殺一案經督撫臣將遊擊蘇凱以擅起夷釁致滋

援害

題奏後將該遊擊調赴成都該遊擊在寓所自刎身
死亦經督撫臣會

題其夷蠻阿租等挾警科衆肆行刦殺前署提督印

務撫臣王景灝專委會鹽營守備汪雲龍前往宣

布

恩威嚴加化誨併勒獻兇首追還入口各緣由在案臣

隨星差前往催查茲於十月初四日據署冕山營

遊擊沈國卿會鹽營守備汪雲龍各報稱職等委

建昌河東宣慰司瞿氏越傳土司嶺安盤前往夷

朱批諭旨

八區

士

趙坤

穴持示化誨追還男婦三十八名口尚有男婦十

各口並牛馬財物未經送還兇首亦未獻出等情

到臣復飛咨建昌鎮臣就近會同地方文員宣

布

皇上威德俾稟遵

王化各安住牧務將人口盡行追還兇犯亦勿得輕縱

去訖所有前後情節理合奏

聞謹

奏

此事岳鍾琪已經備細奏聞伊自有區處料理之策爾

尚未熟諳番情且勿輕舉諸凡悉聽岳鍾琪主見而行
可也

雍正四年正月二十二日湖廣提督臣趙坤謹
奏為恭謝

天恩敬敷

硃批事竊臣前奉

旨署理四川提督印務欲將川省公糧一千一十分招

一半以實管伍留一半以完欠項具摺請

訓於雍正三年十二月初一日臣差自京到川臣已來

楚二十五日抵臣常德府新任蒙

硃批諭旨

八區

士

趙坤

硃批命臣將所奏知會周瑛欽此除臣在川交代時以

此舉雖屬得理然提督職任究以整頓營伍訓練

公糧太多曾已具奏之處告知周瑛欽此奉

諭旨復將原摺知會至臣齊摺差員回楚蒙

皇上格外洪恩賞給驛馬臣揣分難安感激無地謹繕

摺奏

所以道謝千譽邀買兵心而不殫心效力之人其為害

硃批理合恭摺

爾前任黔省之行爲朕甚不取今若仍然以因循爲安

靜懈弛爲和平柔善以取悅兵丁姑息以要結屬員而

令其領已寬厚之德此等巧術朕深惡之幸汝操守可取朕因念

聖祖所用數十年舊臣所以取汝所長而畧汝所短慎莫蹈襲故智以爲得計須痛自檢改加意整飭否則恐傷及汝之顏面可惜一生功名付之流水則噬臍無及矣亟當勉進於是而革除其非庶不負朕始終成全耆舊之恩誼也毋疑母執

雍正四年二月初一日湖廣提督臣趙坤謹

奏爲奏明事竊查楚省管伍前提臣魏經國料理固

朱批諭旨

八函

五

朱批

屬整飭錢糧亦甚清楚惟是提標五營之旗幟緣

楚地蒸濕起黴覺已舊損又五營鉸鎗手所使之

鎗類於線鎗祇可裝砂子爲打牲之具非摧鋒陷

敵之利器也臣標爲全省表率專司援剿臣荷蒙

皇上殊恩毫無報效願捐俸銀製造五營鉸鎗五百六

十桿大小旗幟三百七十面俾軍容整肅以壯觀

瞻緣係製造軍器事理理合

奏明伏乞

皇上睿鑒謹

奏

爾前任貴州時亦有此一奏除此則實心效力言行相

符之處未之見也提督閩省戎政在務大體爲要不以靖盜安良甄別賢否賞功懲罪爲己職分之所當爲而乃於此瑣屑處孜孜求見賞於朕朕甚不取勉爲之

同日又

奏爲陳情懇

恩事竊惟雍正元年正月內臣入覲

天顏仰荷

隆恩授臣貴州提督又蒙

洪慈將臣子趙秉鐸由廕監生擢補貴州提標中軍參

將臣父子受

朱批諭旨

八函

五

朱批

顯榮逾分乃任黔三年毫無報稱復疊荷

寵眷授臣今職

皇上之恩天高地厚臣卽捐糜頂踵亦何能仰答萬一

竊念楚疆勢分兩湖界連八省凡一應兵馬錢糧

營汛盜案事件繁多皆須細心料理方無貽悞臣

本武人年又六十有七矢報之私雖篤而精神氣

血漸不如前倘於事件稍有貽誤則臣罪難追是

以冒昧陳情懇將臣子趙秉鐸

賞令解任來楚幫臣辦理一應案件並代臣書寫摺奏

則臣得臂指之資皆

聖主格外之賜也為此繕摺

奏懇伏乞

皇上睿鑒施行謹

奏

據爾奏請已有旨矣但朕施恩不必無望報之心受朕寵榮當思所以報之道也其勉為之慎為之

雍正四年四月十七日湖廣提督臣趙坤謹

奏為恭謝

天恩併繳

硃批事竊臣前奏懇將臣子解任來楚幫臣辦事一摺

奉批諭旨

八

臣

臣

奉到

硃批臣伏讀

天語不勝感激涕零至臣前任貴州奉職無狀復蒙我皇上諄切教導再三提撕臣惟有痛改前非勉其不及

於整飭營伍訓練兵丁鼓舞員弁緝盜安民勸善

懲惡大體大要處極力遵奉以贖前愆以圖仰報

殊恩於萬一也為此繕摺奏

謝併繳

硃批伏乞

睿鑒謹

奏

年紀漸老改過尤為難事於此須要見透方能遵朕訓誨而行莫看作容易徒務口舌虛文究於實際無益也

同日又

奏為奏明事竊臣訪得長沙協副將李登雲聲名不

好藉藉人口昔任岳州叅將時曾被守備謝尚道

揭告近任長沙協又被前任都司韓公遠揭告又

且指稱部費勒索銀兩徇庇弁員一味存私臣因

事屬已往故未糾參然而聲名既已有玷且又塘

汛廢弛並不留心經理臣抵任以來見楚省盜竊

硃批諭旨

八

臣

臣

繁多屢飭嚴謹塘汛差員分查今據差員稟稱長

沙協塘汛俱草率完事全不整齊且數塘缺少兵

丁又稱永州鎮左營遊擊郝賢蔭所屬塘汛煙墩

瞭樓塘房久經廢壞並未修整該將甚屬溺職永

州鎮臣陳尚武相去咫尺並不覺察亦有玷統轄

之職除將副將李登雲遊擊郝賢蔭廢弛塘汛並

永州鎮臣失於覺察緣由移咨督臣會疏

題叅外理合具摺

奏明伏乞

皇上睿鑒謹

奏

奏奏甚當但朕知李登雲人頗敏練明白何乃如此作爲陳尚武原屬平常年已老矣其爲人究竟如何猶堪總兵職任否據實更奏以聞

雍正四年六月初七日湖廣提督臣趙坤謹

奏爲恭謝

天恩敬繳

硃批事竊臣差員自京還楚蒙

賜紫金離宮蟾酥鹽水各錠一匣扇墜五十枚臣跪迎

至署恭設香案望

關謝

恩祇領訖伏念臣受逾分之

榮毫無涓埃之報私心自問悚歎難安惟有夙夜兢兢

仰遵

聖訓整飭營伍操練兵馬振勵所屬員弁俾各盡職守

以仰答

高厚於萬一耳爲此繕摺

奏謝

天恩併繳

硃批謹

奏

覽奏謝知道了能切戒因循罷軟之病凡事據實直奏無隱秉公力行圖取後福可也勉之勉之若於此少信不及朕一番保全之恩殊爲可惜耳

雍正四年七月初一日湖廣提督臣趙坤謹

奏爲欽奉

上諭事雍正四年六月二十九日蒙兵部劄開奉

上諭聞得湖南沅州有姦民余景福辰谿縣有姦民謝

錄正沅陵縣有姦民顏正等肆行不法爾等卽行文

與總督李成龍提督趙坤令其會同商酌務必擒獲

不得漏縱姦惡亦不得牽累無辜欽此轉行到臣

於本年三月內准湖南撫臣布蘭泰移咨緝拏前

來臣當卽密行辰沅二協選撥能幹弁兵前往擒

拏去後今於四月二十九日據辰州協副將魯瑛

呈報要犯顏正已經差員拏獲押赴湖南撫臣衙

門審究又於六月二十日據護鎮鎮印務副將

魯瑛呈報姦民余景福畏懼自首赴鎮鎮衙門投

到亦解到湖南撫臣衙門聽其審究惟謝錄正一

犯尚逃匿不出臣現在嚴飭辰州協遣撥官兵探

其藏匿何所設法擒拏不得驚擾良善波及無辜

去後又謹遵

諭旨會同督臣李成龍設法緝拏不敢牽累無辜俟獲

日另摺

奏報外合將已獲姦民余景福顏正緣由繕摺奏

聞謹

奏

此等事必待朕諭而後設法飭緝可謂稱職之封疆大
臣耶要犯謝錄正若不能擒獲或被假冒頂替恐爾領
罪不起也

雍正四年九月十一日湖廣提督臣趙坤謹

殊批諭旨

八月

九

趙坤

奏為奏

聞拏獲姦民事雍正四年九月十一日據辰州協副將
魯興稟稱本月初八日亥時據差緝兵丁王之德
王如佑稟稱小的等奉差查拏謝錄正今有辰沅
靖道差役二十餘人於九月初八日卯時在激浦
縣魚洞芭山亂巖岡將謝錄正一家大小男婦一
十二名口鳥鎗四桿手鎗一桿火藥一桶鐵丸子
一包一併拏獲解赴辰沅靖道衙門特來稟明等
情到職所有拏獲謝錄正緣由合先稟明等因前
來臣查謝錄正係奉

旨緝拏要犯今已拏獲理合奏

聞謹

奏

此犯不獲如何其可但爾前奉朕諄諄飭諭今賊犯仍
就擒於有司差役之手尚何顏具奏耶朕責代爾愧之

殊批諭旨

八月

三十

趙坤

硃批藍廷珍奏摺

雍正元年八月二十二日福建臺灣總兵官臣藍

廷珍謹

奏為懇

恩改名事竊照禮諱嫌名分宜引避臣本名廷珍伏查

珍字與

御名第二字音聲無異似於尊敬之義未協擬將臣名

廷珍改為廷瑛仰祈

敕部行知庶臣心得以有安伏乞

皇上睿鑒施行謹

殊批諭旨

八月

一

藍廷珍

奏

不必更改向來止避上一字近議下一字並避朕名之

下一字同音者頗多若盡改似覺太煩況珍字與朕名

迥不相同惟滿字無二音故伊等改書微字以別其音

聲至若漢字音義判然何必更改且爾之名甚為朕所

喜仍書原字可也

雍正元年十月二十九日福建臺灣總兵官臣藍

廷珍謹

奏為恭謝

天恩事本年十月二十八日臺灣協標中營遊擊蔡徵

溫到臺口傳

皇上溫諭並恭捧

御賜花翎緯帽到臣臣恭設香案望

闕叩頭謝

恩訖伏念臣一介武夫至微至賤叨沐

聖恩高厚非常

眷遇祇受難安惟有矢竭涓埃勤慎自勵以圖仰報

高深於萬一耳為此繕摺恭謝

天恩謹

奏

殊批諭旨

八月

二

藍廷珍

覽爾奏謝知道了勉力做好官莫移初志姚堂居官不

為上等其所施設未必盡善一切營務應更易振作者

不可苟且因循必用心整理一番始不負朕任用之恩

也

雍正二年四月二十日福建水師提督臣藍廷珍

謹

奏為恭繳

硃批事竊臣齋摺家人捧到臣前奏臺灣總兵任內恭

謝

御賜翎帽一摺奉有

皇上硃批臣叩頭謝

恩并傳示將備一體凜遵著實振作整理外伏念臣一

介愚魯遭逢

聖世蒙

皇上逾格拔擢又欽承

殊諭告誡勸勉懇切周詳自問無可報稱惟有潔已奉

公和輯文武整頓舟楫簡練卒伍清理兵餉保固

疆圉以仰答

知遇於萬一耳所有奉到

殊諭理合恭繳謹

陳此諭旨

八

三

藍廷珍

奏

知道了爾居心忠赤及人材膽量俱無可議論若能勉勵操守如吳陞一般可成千古人物卽不能似彼一座不染暑相彷彿亦好不然同在一省相形之下殊不雅觀當竭力勉之

雍正二年五月十二日福建水師提督臣藍廷珍

謹

奏爲恭謝

天恩事雍正二年五月初十日接督臣滿保手書內另

單一紙鈔錄

御批聞藍廷珍之操守甚爲不足爾善爲勸誡將朕恩

可惜之處告之欽此

天顏咫尺臣跪讀之下汗流浹踵望

闕叩頭謝

恩伏念臣一介武夫至愚極陋荷蒙

聖主異數隆恩曠古所無卽木石亦應感動非但碎骨

粉身不足爲報卽子子孫孫亦不能報稱萬一況

潔已奉公係臣分內之事乃奉職無狀致厯

宸衷理應卽予罷斥乃猶

寬臣蠢愚冀臣悔改

殊批諭旨

八

四

藍廷珍

命督臣移書開導臣蒙

擢用榮遇於前又受

保全厚恩於後臣惟有痛洗肺腑勉勵清操正己率屬

圖蓋前愆庶幾補過於將來或可贖罪於晚節臣

不勝感激悚惶謹繕摺奏

謝以

聞謹

奏

爾等大臣旣蒙主知受封疆之寄當以千古名節爲重若爲目前小利自壞聲價無乃愚甚縱不能效法古之

名臣卽如吳陸魏經國韓良輔清廉之譽尙豈不聞乎
今之輿論卽千秋史冊之憑據但實乃名之本名乃實
之華必躬行實踐方爲名實相副非可矯情虛詐而能
者設以矯誣博一時虛名事久論定終必敗露爾果能
實行朕自有鑒照不在此一奏也爾等有功於國之人
若肯自愛非但成全自己乃成全朕待功臣之有始終
也否則朕豈可因爾等一時之功而嚮朝廷萬載之法
紀以姑容之耶向後當勉之又勉

雍正二年九月初三日福建水師提督臣藍廷珍

謹

殊批諭旨

八

五

藍廷珍

奏爲謹陳臺灣善後事宜仰祈

睿鑒事竊臣自出兵至臺灣與賊對壘凡臣身所經歷
及考之圖籍得諸訪問於臺灣形勢之險易事權
之輕重雖不能盡悉要領而亦畧得大槩所有善
後三款敬爲我

皇上陳之一臺灣三營及北路之彰化縣與南路營之

此款增兵一處可不必朕非愛惜錢糧也

風彈汛牌頭皆宜增兵并移備弁駐劄以資防禦

此條與該督臣奏具奏

一笨港宜移大員帶重兵常川扼守而鹿仔港亦

宜專員汛防以保固臺灣一臺鎮三營及南北二

臺灣養馬水土不宜亦可不必

路宜增設馬匹照內地沿海營汛馬一步九之制

減半給以馬匹以便偵探追逐以上三款臣因身
在臺灣四載目之所及心之所思已非一日故敢
冒昧瀆陳是否有當仰祈

皇上睿鑒施行謹

奏

覽

同日又

奏爲奏繳

殊批事竊臣前奏恭繳臺灣總兵任內所奉

殊批一摺奉有

殊批諭旨

八

六

藍廷珍

御批臣恭設香案望

闕叩頭謝

恩訖伏念臣一介微賤蒙

聖朝殊遇由千把歷陞提督受

恩如此敢不赤心抒忠以圖報

國至擒賊殺敵係臣武人分內之事有何膽量乃蒙

皇上褒嘉感激之餘愧赧無地至臣不學無術義利不

明以致操守不能堅固

皇上既有見聞不立

賜罷斥而猶